



Ամացս 27 ին Քիչնեվում վախճանեցաւ Նոր Նախիջևանի և Բեսարարիոյ Թեմական Առաջնորդ ԳԻՒԳՈՐ ԱՐՔԵՊԻՍԿԱՊՈՍ ՍԼ. ԳԻՆԵԱՆՑ 66 տարեկան հասկում՝ կաթուածից։

Հանգուցեալը աշխարհիկ վիճակից էր և իւր ուսումն առած էր Խարասուբաղարի Հայոց դպրոցում. 1844 թուականին նշանակուեցաւ հրամանաւ Ներսէս Արքեպիսկոպոսի Բեսարարիոյ թեմի առաջնորդի Օրբաղարի Հայոց ծխական դպրոցի ուսուցիչ։ 1852 ին ըստ առաջարկութեան նոյն վիճակի առաջնորդ Մատթէոս Արքեպիսկոպոսի ընդունվեցաւ եկեղեցական դասի մէջ։ Իսկ 1854 ին ի Տէր հանգուցեալ Ներսէս Ե. Կաթուղիկոսի հրամանաւ ձեռնադրեցաւ սարկաւագ և կուսակրօն քահանայ։ 1856 թ. հրամանաւ նոյն Հայրապետի նշանակուեցաւ վանահայր Նոր Նախիջևանի Ս. Խաչ վանուց. իսկ 1857 թ. կարգադրութեամբ Ս. Սինօդի նշանակուեցաւ յաջորդ Ախալցխայի որ պաշտօնը վարեց մինչև 1867 թ. 1864 ին ի Տէր հանգուցեալ Մատթէոս Կաթուղիկոսից ձեռնադրուեցաւ Եպիսկոպոս։ 1867 ին հոկտեմբերի 27 ին ըստ առաջարկութեան երջանկայիշատակ Գէորգ Կաթուղիկոսի բարձրագոյնս հաստատուեցաւ անդամ Ս. Սինօդի։ 1873 ին արձակուեցաւ այդ պաշտօնից և 1876 ին նշանակուեցաւ կրկին Ախալցխայի յաջորդ։ 1884 թ. նշանակուեցաւ Ժամանակաւոր կառավարիչ թեմին Ղաբարաղի գընտրութիւն կաթուղիկոսի որ պաշտօնը վարեց իբրև հաստատուած առաջնորդ մինչև 1887 թուականն. երբ տեղափոխուեցաւ նոյն պաշտօնով Բեսարարիոյ թեմը։ Հանգուցեալն իւր ծառայութեանց համար վարձատրուեցաւ թէ Կառավարութեան և թէ հոգևոր իշխանութեան կողմից։ Ունէր վարդապետական խաչ պնա-

կի. Աննայի երկրորդ աստիճանի և Ստանիսլավի առաջին աստիճանի շքանշանները, Իւր Ժառայութիւնը կատարած է հաւատարմութեամբ, որոյ համար միշտ վայելում էր Ժողովրդոց և իշխանութեան յարգանքը:

Յէր լուսաւորեցե՛ղ զհոգի հանգուցելոյն և դասեցե՛ղ ընդ սուրբս և ընդ սիրելիս իւր:

Անցեալ Օգոստոս ամսոյ 18 ին վախճանեցաւ Հին Նախիջևանի յաջորդ ՅՈՎՍԷՓ ԾԱԹՐԱԳՈՅՆ ՎԱՐԴԱՊԵՑ ՓԻՆԱՉԵԱՆ 40 տարեկան հասակում:

Հանգուցեալն իւր ուսումն աւարտած էր Ս. Աթոռոյս Ժառանգաւորաց դպրոցում և յառաջագէմ աշակերտներից մին եղած է: 1859 թ. ընդգնուեցաւ կուսակրօն եկեղեցականաց դասը և 1864 ին ստացաւ չորս աստիճան: Պարապում էր գրագրութեամբ ի Յէր հանգուցեալ Մատթէոս Վաթոռոյիկոսի մօտ: դասատու էր կրօնի Ժառանգաւորաց դպրոցում 1865—1866 թ. 1867 ին Դանիէլ Արքեպիսկոպոսից ձեռնադրուեցաւ սարկաւազ և նշանակուեցաւ դասատու հայ գրականութեան և կրօնի Համախու թեմական դպրոցում: Իսկ 1872 ին կուսակրօն քահանայութեան աստիճան ստացաւ Համախու թեմակալ Անդրէաս Արքեպիսկոպոսից. Նոյն տարին վարդապետութեան կոչումն ստանալից յետ՝ տեղափոխուեցաւ Բագու նշանակուելով տեսուչ արական և իգական ծխական հոգևոր դպրոցների Հայոց և քարոզիչ ու վարձատրուեցաւ խարա փիլոնով:

1875 ին նշանակուեցաւ հայ դպրութեան և կրօնի դասատու Աղեքսանդրապոլի հոգևոր դպրոցում: 1876 ին նշանակուեցաւ Ցաթևու հոգևոր Վառապարութեան անդամ: Իսկ 1877 ին Հուշու հոգևոր դպրոցում վարեց հայ դպրութեան և կրօնի դասատուի պաշտօն: 1879 ին նշանակուելով Գանձասարի վանուց վանահայր առիթ եղաւ վերանորոգման ինն մասանց վանքի, որոյ համար և վարձատրուեցաւ հոգևոր իշխանութիւնից: 1883 ին նշանակուեցաւ դասատու Հայոց լեզուի և կրօնի Ս. Աթոռոյս ձեմարանում: Ապա նշանակուեցաւ յաջորդ Հին Նախիջևանի և այս պաշտօնավարութեան մէջ էլ, մահը կտրեց նորա կենաց թելը 40 տարեկան հասակում: Խոր սգոյ մէջ թողնելով նորա հօտն, որին հանգուցեալը յոյժ սիրելի էր եղած իբրև հոգևոր հայր և կառավարիչ:

Յէր լուսաւորեցե՛ղ զհոգի հանգուցելոյն: